



UNIVERSITÄTS-
BIBLIOTHEK
PADERBORN

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos &
Festos, ab ipso Auctore confectus

Stengel, Georg

Ingolstadii, 1651

4. Lydvvin[a]e in glacie casus, à malis malè explicatus.

urn:nbn:de:hbz:466:1-45701

rent. Itaque non solum proci, sed etiam parentes erant ab ea superandi, ut virginitatem suam tueretur. Ad quod consequendum, vitabat hominum conspectum, domi se continebat, 3. *Vi ergo ad S. Spiritus charismata maiora capessenda aptior fieret, castigans castigans eam Dominus, & multiplicata sunt infirmitates corporis eius, ut acceleraret, accelerando Dominum quareret, querendo patrem inueniret, inueniendo Deum possideret. Annos igitur nata plus minus quindecim, ex diuturno morbo admodum deformis effecta est, & decor faciei eius adeo mutatus est, ut qui antea impense eam amauerant, jam illam aspernarentur, faciente illo, qui pulchras animas amat, etiam in non pulchris corporibus. Mundus sane magnum Dei donum putat, si femina donat vultus venustatem; quæ & dos maxima est, apud profanos: tunc optatur, affectatur, sibi, cerussa, pigmentis procuratur; ut forma vel per mendacium putetur haberi. At profecto superis magis placet anima, quam corporis pulchritudo. Cum ergo sapissime illa per hanc amittatur, diuina providentia, non raro in dilectis suis, per morbos aufert corporis formam, ne animæ decor contaminetur. Quod si agnoscerent mulieres interpoles, utique fucis suis, & stolis pretiosis, ac nescio quo mundo abstinere, mallentque oculis diuinis & cælesti sponso, quam humanis procis pulchræ videri, memores illius dicti: *An quæro hominibus placere? Si adhuc Gal. 1. 10. hominibus placerem, Christi seruus non essem.* Optimum mulieris ornamentum sunt mores boni, & virtutes; quibus cum deformi Lydwina præstat diuinos in se trahere oculos, quam cum formosa Helena facere Parides. Sed ad rem redeamus.*

4. *Accidit, ut Lydwina, quodam die, hyberno tempore, cum flumina jam glacie concreta homines per ea inambulantes facile sustinerent, sodales virgines Lydvinam, qua tum recens conualuerat, animi causa inuitarent ad captanda quadam in aquis frigore constri-* IV. Part. I. cap. 2.
ctis oblectamenta, ut solent apud Batanos puella. Sed illa, ut quamquam instar Sara illius, cum ludentibus se miscuisset, omne humanum solatium floccipendens assentire illis noluit. Attamen illis perurgentibus, ut vel spectatum cum ipsis iret ad glaciem, tandem cessit, abijtque ad aquas glaciales, corpore adhuc parum firmo, adspexitque puellas sursum, deorsum cursitantes, cum ecce paulo post una ex puellis

Tt 8 rapido

rapido cursu aduolans, nec se cohibere valens, in eam casu impingit, eamq; in glaciei fragmenta dirisimè prostermit, adeo ut costa una corporis eius frangeretur. Mox iocus abiit in lachrymas, existunt clamores, & quam incundis animis eò adduxerant puellæ, eam suis manibus cognati reportant, desperata salute eius. Hic videte seculi morem, omnia in peris interpretantem, & quoduis infortunium, etiam sanctissimis hominibus illatum, Deo scelerum vindice, illatum, temerè judicantem. Nam casus ille subitaneus magna omnibus admirationi fuit, & alij quidem atq; alij aliter, & aliter de virgine loquebantur: qui autem cordatiores erant, & vitam eius nouerant, dicebant Domini manum id fecisse quod etiam rei euentus comprobauit. Idem sapius cognosceretur, si essent, qui vellent aut viperarum compescere linguas, aut defendere afflictos innocentes clypeo veritatis. Sunt enim multi, qui quando audiunt, alterum crus fregisse, sauciatum esse, correptumue morbo, illico vel dicunt, vel cogitant, illum à Deo esse plexum, ita crimine aliquo promeritum; quasi verò vel Lydwina, vel Iob crimine aliquo meruissent, ut sic percuterentur. Certè, si ex hoc indicio esset argumentandum, Iob omnium hominum, quos terra sustinet, sceleratissimus extitisset. Non ergo, qui ita iudicantur, sed qui ita iudicant, sunt scelerati.

V.

5. Si quis lædatur in corpore, aut vulnus accipiat, comūne solatium est spes sanitatis manu medica recuperandæ. At Lydwina ut plus pateretur, hoc solatio caruit. Vnde quaque sanè Medici prece & pretio accersebantur, & chirurgi peritissimi aduolabant. Sed neque medici, neque chirurgi quicquam possunt omnī arte & industria sua, ubi Dominus vulnerat, & solus mederi vult; & sibi dilectos ab omni humano auxilio abstractos, ad se se trahere. Itaque leniminis loco, dolor virginis increfcebat; in pectore, & sub costis innumera exisiebant perpesiones, accedebat dirisimum apostema. Iudicio medicorum, siebant semper posteriora deteriora prioribus: absumebantur exigua parentum facultates: tandem de vita puella desperabatur. Erat per id tempus in Hollandia medicus insignis Godefridus Sonderdancius pijs pauperibus valde addictus. Is inspecta morbi indole, actum de Virgine pronuntiauit, si Medicorum ars spectaretur; sed considerata eius virtute, suam illam esse filiā opta-

opta-